



Iohannes Friburgi Brisgaudię natus est anno salutis millesimo quingentesimo uicesimo quinto. Is cum fœlici ingenio esset præditus, parentum consilio operam literis dedit, & studia humanitatis feliciter percurrit. Inde animum ad Iurisprudentiã adiecit, & in ea adeò profecit, ut Iuris Doctor publico consensu crearetur. Postea Argentinam uocatus, in eo Episcopatu Archidiaconorum Officialis constitutus fuit. quam functionem magna prudẽtia egregiẽ per annos sex administrauit. Inde etiã Episcopalis curiã in spiritualibus fuit Vicarius. Cum hoc modo res sibi commissas Iohannes magna dexteritate expediret, tandem ad S. Pe-

trum Iuniozem Argẽtinã Præpositus eligitur, atq; ab Episcopo Erasmo principe doctissimo in consilium adoptatur. In ijs officijs Iohannes nihil intermisit, quod ad literarum studia iuuanda pertinere uideretur. Vnde & principi et eius subditis ert gratissimus. Is cum Tabernis apud principẽ anno 1565 essent, pro sua humanitate me benignẽ suscepit, de quibusdam rebus doctẽ contulit, & in posterum quoq; suam operam, quod ad studia promouenda attineret, liberaliter est pollicitus. Anon.